

ՀԱՅ ԿԵԱՆՔ ԵՒ ԵԿԵՂԵՑԻ

Տ. ՍՈՒՔԻԱՍ ԱՐՔԵՊԻՍԿՈՓՈՍԻ ԿՏԱԿԸ

Յանուարի Ամենասուրբ Երրորդութեան Հօր և Որդւոյ և Հոգւոյն Սրբոյ, Ամէն:

Ես ի ներքոյ սորին ստորագրեալ միաբան Մայր Աթոռոյ Սրբոյ Էջմիածնի՝ Սուբիաս արքեպիսկոպոս Պարզեանց ծնեալ ի 10 դեկտեմբերի 1837 ամի յԱստապատ գեղջ գաւառին Հնոյ Նախիջևանի ունելով առաջի աչաց զանհրաժեշտ վախճան ըստ հասարակական օրինի որդւոց մարդկան և զբան Սրբազան Առաքելոյն Պօղոսի՝ «կտակ յետ մահուան հաստատուն է», ի կատարեալ առողջութեան մարմնոյ, յանտրտում ուրախութեան հոգւոյ, ի հասուն դատողութեան մտաց, յանմոռաց յիշողութեան մարդկային պարտուցս, անբռնադատ յօժարութեամբ և կամակար ցանկութեամբ յայտնեմ զվերջին կամս իմ վերաբերմամբ շարժական կայիցս և դրամոց՝ զորս յընթացս գրեթէ յիսնամեայ ռոճկաւոր պաշտօնավարութեանս հոգածու խնայողութեամբ և տնտեսավար ճշտութեամբ ի ձեռս բերեալ եմ:

Լինելով ժառանգաւոր շնորհած զաւակ մօր լուսոյ կաթուղիկէ Սրբոյ Էջմիածնի անդստին ի 1849 ամէ հետէ և այսր, վայելեալ եմ աննախանձաբար խնամօք նորին զբարօրութիւն և յաստիճանաց յաստիճանս սրբազան հոգևոր կոչման ամբարձեալ, և ի պաշտամանց ի պաշտօնակատարութիւնս անցեալ, թեակոխեալ Ուստի և ըստ կանոնաց ազգախնամ Հայրապետաց սրբոյ եկեղեցւոյս Հայաստանեայց, ըստ պահանջման ուխտի, և վանական հրահանգի որպէս անկարօտ լիութեամբ ժառանգեցի ցայսօր զազգային հայրապետական գերամբարձ հաստատութիւնն, նոյնպէս պարաւանդեմ ի խղճէ՝ մտացս դէտ և ժառան-

գորդս կանգնել իմոյ տնտեսեալ ընչից և գումարաց գնոյն համազգական սրբավայր և դմիտրան եղբարս ի նմին: Վասն որոյ ի յետագայս մի առ մի յայտ առնեմ զկարեւորս՝ կցորդելով նոցին զվերջին կամս և զորոշմունս իմ:

Նախ՝ գտանին ի սենեկիս երեքին ժամացոյցք, յորոց մինն մեծ սեղանոյ և երկուքն փոքրիկ ծոցագրպանի, վերջինին համակ ոսկիք հանգերձ իւրեանց մեծ և փոքր նոյնպիսի շղթայիւք և մի ոսկի աղամանդազարդ ժերոն մեղալիոն, զորս թողում ի ժառանգութիւն մեծ գերապատիւ Տ. Ներսէս ս. արքեպիսկոպոսի Սուգավերդեան, զմիջինն գեր. Տ. Յովհաննէս արքեպիսկոպոսի Շիրակունի, իսկ զփոքրն հանգերձ մեծ շղթայիւ և ժերոնիւ բարձր. Տ. Յուսիկ վարդապետի Զոհրաբեան ի յիշատակ իմ առ նոսա հոգեւոր սիրոյ և ջերմեռանդութեան:

Երկրորդ՝ մի եպիսկոպոսական պնակէ հասարակ և մի կարմիր-կանաչ-սպիտակ հասարակ քարամբք զարդարեալ պարանոցական խաչ, զպնակէն թողում ի վայելս գերապատիւ Տ. Անոնդ ո. եպիսկոպոսի Յովակիմեան, իսկ զխաչն բարձրապատիւ Տ. Արտակ վարդապետի Սմբատեան:

Երրորդ՝ մի մարգարտաւեռ՝ չորիւք ամիթոս և աղամանդ քարամբք զարդարեալ համակ ոսկի խաչ պարանոցական ձօնեալ ի վայելս նուիրակին Հայոց Ռուսաստանի սրբազան Յովսէփ արքեպիսկոպոսի Երկայնաբազուկ Արդութեանց, ընծայեալ ինձ ի Տ. Մակար Վեհափառ Հայրապետի Ամենայն Հայոց, և մի մատանի երկնագոյն եաղութակամբ հանգերձ վեշտաստն աղամանդովք ի շրջանակս, զխաչն թողում ի զարդ թանգարանի Մայր Աթոռոյս ի յիշատակ անուանս, իսկ զմատանին ի վայելս գերապատիւ Տ. Կարապետ եպիսկոպոսի Տէր Մկրտչեանց:

Չորրորդ՝ մի տակառած և արծաթ ըմպանակ ջրոյ հանդերձ նոյնպիսի փոքրիկ ափսէիւն՝ յորս նկարք եղիազարու ծառային Աբրահամու Ռէքեկայիւն հանգերձ և Մայր Աթոռ վանուցն սրբոյ Էջմիածնի՝ զորս նուիրեմ ի վայելս բարձրապատիւ Տ. Գարեգին վարդապետի Յովսէփեան:

Հինգերորդ՝ երկոտասանեակ մի արծաթի դրկալք կե-

բակիրոյ սկզբնատառիւք անուանս Ս. Ե. Պ. հանդերձ ամենայն գտեալ ֆրաժի դանակ-չանկալօք, մատուցարանաւ, սփոռցօք սեղանոյ և անձեռացկօք, զորս ընծայեմ բարձրապատիւ Տ. Համագասպ վարդապետի Համագասպեան: Վեցերորդ՝ մի ձեռք պահարանաւոր արծաթ պատառահատ-պատառաքաղ-դրգալ կերակրոց, դրգալ թէյի, ըմպանակ զինւոյ և աղաման, նոյնպէս սկզբնատառիւք անուանս Ս. Ե. Պ., զորս թողում ի պարգև բարձրապատիւ Բենիկ վարդապետի Տէր Գանիէլեանց:

Եօթներորդ՝ մի արծաթի շրմպանակ թաս ի շրջանակն յիշատակագիր «ի վայելս Սուքիաս եպիսկոպոսի», մի բաժակակալ թէյի արծաթեայ և մի նոյնպիսի մասնատուփ, զորս ձօնեմ բարձրապատիւ Տ. Գրիգորիս վարդապետի Տէր Յակովբեան:

Ութերորդ՝ մի արծաթի շաքարաման հանդերձ նոյնպիսի ունելօք, արծաթի կաթնաման և եօթ հատ արծաթի դրկալք թէյի ընդ նոյնպիսի քամչաւն, զորս պարգևեմ ի գործադրութիւն բարձր. Տ. Անտոն վարդապետի Վարդապրեան:

Իններորդ՝ գրեանք եկեղեցական-կրօնական բովանդակութեամբ, քարոզգիրք և այլք զորս ընծայաբերեմ բարձրապատիւ Տ. Բաբգէն վարդապետի Աղաւելեանց:

Տասներորդ՝ երկու մեծ և փոքր մուշտակք, քանի մի փիլոնք, ինն վերարկուք և քանի մի պարեգօտք-կապայ, յորոց զմի նոր սեաւ ծաղկեայ կերպաս վերարկուն թողում ի վայելս բարձրապատիւ Տ. Մուշէ վարդապետի Դանագեօգեանց, զթաւշեայ վերարկուն հանդերձ ծաղկեայ կերպաս ծիրանի փիլոնաւ ի գործադրութիւն բարձր. Տ. Զաւէն վարդապետի, զմեծ մուշտակն ի պարգև բարձր. Տ. Սահակ վարդապետի Ամատունի, զփոքրիկ մուշտակն ի կերառութիւն բարձր. Տ. Գէորգ վարդապետի Ռշտունի, զշուխամահուտ վերարկուն և զսեաւ ծաղկեայ փիլոնն ի պէտս բարձր. Տ. Եսայի վարդապետի Յովսէփեան, խոստովանահօր միաբանութեանս, զատլաս վերարկուն ի վայելումն բարձր. Տ. Եղիշէ վարդապետի Ահարոնեանց, զմիւս կեր-

պատ վերարկուն ի պէտս բարձր. Տ. Սիօն վարդապետի Տէր Մանուէլեանց, զերիս վանաշալ գոյնզգոյն վերարկուն ի պարզե բարձր. Տ. Խաչիկ վարդապետի Դատեան, Տ. Արիստակէս վարդապետի Զուլոյեան և Տ. Խորէն վարդապետի Լազարեանց: Յետ այսոցիկ թողում ի բարեհաճ կամս տեսրց անդամոց Սրբազան Սինօղի և Վանական Կառավարութեան բաշխել զայլ ազանելիս ում և յօժարեսցին ի միաբան եղբարց կամ քահանայից վաստակաւորաց ի պահու կատարման կարգի յուղարկաւորութեանս և թաղմանս:

Մետասաներորդ՝ կահ-կարասիք, որք են երկումեծադիր և երկու փոքրադիր գորգք, երկու ասղնեգործ գորգք սրմայ, երկու կերպաս վերմակք, երկու ներքնակք, երկու բրդեայ գործարանական վերմակք, եօթն մեծ և փոքր բարձք, ծածկոց սեղանոյ, երկու ամարան վերմակք, մի մահճակալ, երկու բազմոց, գրասեղանք, պահարանք, աթոռք, պղնձեղէնք, սահանք կերակրոց, պնակք սրճոյ և թէյի հանդերձ ամենայն գտելովք ի կացարանիս, ի խոհանոցի և ի փայտարան, զի ձեռս բերեալս իմով սեպհական դրամովք թողում ի տիրապետութիւն Մայր Աթոռոյս այսու պայմանաւ, զի կացցեն մնասցեն նոքին անշարժք յիւրեանց տեղիս ի վայելս միաբանից մայրապանիցս՝ որում հաճեսցի Սրբազնագոյն Հայրապետն կամ Տ. Տեղաւալ տալ ի բնակութիւն զսենեակս:

Եւ երկուտասաներորդ՝ գտանեն եօթանասուն և հինգ հազար (75000) ըուրլեաց արծաթոյ զանազան կարգի դրամատանց դրամատոմսակք, զորս թողում ի ժառանգութիւն Մայր Աթոռոյ սրբոյ Էջմիածնի յետագայ պայմանօք: Նախ՝ հոգաճութեամբ սրբազան Սինօղի, որպէս կտակակատար գործողի յետ վախճանիս դիցեն նոքին յարքունի դրամատուն անձեռնմխելի, աստանոր կացցեն, մնասցեն յաճումս տոկոսեօք ցկրկնապատկութիւն գումարացն՝ այսինքն ցհարիւր յիսուն հազար ըուրլի արծաթոյ, երկրորդ՝ յետ լրման յիշեալ գումարաց զմի հարիւր հազար ըուրլիս արծաթոյ, որպէս անշարժ դրամազուլիս թողուլ ի պետական դրամատան, իսկ ի հաշիւ տարեկան տոկոսեաց նոցին պահպա-

նեւ ի հոգևոր ձեմարանի Մայր Աթոռոյ զժառանգաւորս յորդեգիր անուանա՝ հարկաւորելով առ անձն իւր ոք զծախս ի տարին երկերիւր բուրլիս, որ լինի թոշակ տասն և ինն որդեգրաց ըստ Հորից տոկոսեաց և զերկերիւր բուրլիս հաշուել ի հաստ արքունի: Այս բաշխումն դրամոց և պահպանութիւն որդեգրաց կացցէ մնացէ անսփոփոխ ցորքան ժամանակս գոյութիւն ունիցի հոգևոր ձեմարանն, կամ փոխանակ նմին այլ իմն միջնակարգ ժառանգաւորաց ուսումնարան ի շրջապարսպի Մայր Աթոռոյս: Աւանդեմ, զի ի տասն և ինն սանաց եօթանեքին ընկալցին ի հայրենի Հին-Նախիջևան գաւառէ, երեքն յատկապէս ի ծննդավայր յԱստապատ գեղջէ և չորսն ի քաղաքէն և յայլոց աւանաց և ի շինոց, իսկ մնացորդ տասն և երկուք ընդունեցին ընդհանուր Հայոց Ռուսաստանի, Պարսկաստանի, Տաճկաստանի և այլոց տեղեաց: Ապա թէ ըստ տարաբարդ անակնկալ հանգամանաց, ի յետին ժամանակս չունիցի զգոյութիւն որ և է վարժարան ի ս. Էջմիածին, հոգևոր բարձրագոյն իշխանութիւնն՝ այնէ Սրբազան Սինոդն ընդ նախագահութեամբ Վեհափառ Հայրապետի ամենայն Հայոց լիակատար անօրէն է ի բաշխել զտարեկան տոկոսիս մի հարիւր հազար բուրլեաց արծաթոյ ի վերայ հոգևոր թեմական դպրոցաց վիճակացն Հայոց Ռուսաստանի, Պարսկաստանի, Տաճկաստանի և այլոց ըստ իւրումն բարեհաճ նկատման, առի պահպանել ի նոսրն զորդեգիրս յանուն իմ, համաձայն տարեկան յատկացեալ ի վերայ թոշակացն: Վարչութիւն հոգևոր ձեմարանի Մայր Աթոռոյս կամ փոխանակ նմին դպրոցաց՝ պարտի յամի ամի տալ Սրբազանագոյն Հայրապետի ազգիս զմանրամասն հաշիւ և համար անուանց և թուոց ամենայն որդեգրաց և յառաջագիմութեանց նոցին յուսմանս այլովքն հանդերձ, ապա ի հրատարակել յԱրարատ ամսագրի ի գիտութիւն մերազնեից:

Եւ երբորդ՝ մնացորդ յիսուն հազար բուրլիս արծաթոյ նոյնպէս կացցէ մնացէ անձեռնամխելի յարքունի դրամատան և տարեկան երկու հազար բուրլի տոկոսիք նորին յետ բարձման մի հարիւր բուրլի արքունի հասու-

թից, յատկացին ի ծախս տպագրութեան թէ շարունակելի հատորոց «Շար պատմագրութեան Հայոց», որոյ համեմատութիւնը ընթերցուածոց ըստ մտաց հեղինակաց, յօգուտ որպիսի ձեռնարկութեան ի 1903 թուականի արդէն ընծայարեբեալ եմ՝ գլեց հաշար բուրլիս արծաթոյ և թէ յիշատակարանաց ձեռագիր մատենից գրանոցի Մայր Աթոռոյս, մանաւանդ անտիպ հեղինակութեանց՝ վերաբերելոց եկեղեցական, կրօնական ուսմանց և ազգային մատենագրութեանց, Ընտրութիւն և հաւանութիւն հրատարակութեան նոցին վերապահի խառն յանձնաժողոյ՝ կազմեալ յուսուցչաց Աստուածաբանութեան, գրականութեան Հայոց և այլոց ազգաց յերիս լսարանս հոգևոր ձեմարանի, ի վերատեսչէ նորին և ի ձեռնհաս անդամոց միաբանութեան մայրավանիցս ըստ ընտրութեան Սրբազան Սինօդի և վաւերացման Սրբազնագոյն Հայրապետի, թիւ անդամոց որոյ չունի լինել պակաս քան զհինգ և աւելի քան զեօթն անձինս։ Յամենայնի և միշտ պարտէ տալ առաւելութիւն ի հրատարակութեան փաստակաց կուսակրօն և ամուսնաւոր եկեղեցականաց և ուսուցչաց ազգային վարժարանաց։ Համօրէն հրատարակութիւնք ի հաշիւ տոկոսեաց կտակաւանդեալ գումարացս՝ յետ վարձատրութեան հեղինակաց և աշխատասիրոյ բանասիրաց ըստ որոշման յանձնաժողովոյ պարտին վաճառիլ յօգուտ մատենադարանի և արդեանց համարադրել ի տարեկան տոկոսիս յիսուն հազար բուրլի գլխադրամոց և ծախիլ ի պէտս հրատարակութեանց՝ որովք ամ ըստ ամէ ընդարձակեալ բարգաւաճէ գործառնութիւն տպագրութեան օգտաբեր մատենից։ Սոյն յանձնաժողով պարտի նախապէս կազմել զմանրամասն հրահանգս կանոնաց ի մասին ընտրութեանց տպագրելի գրոց, բովանդակութեան նոցին և չափու վարձատրութեան հեղինակաց, բանասէր աշխատասիրողաց, որպէս մշտատեւ անխտոր կապարան և յետ հրատարակութեան առանձին տպագիր տետրակօք կամ հրատարակութեամբ «յԱրարատ» ամսագրի, տալ զհաշիւ որպէս տպագրելի գրոց, նոյնպէս և զգրամական մտից և ծախուց ի տեղեկութիւն ազգի և ի գիտու-

թիւն հետախնդիր անձնաւորութեանց,

Բաց ի գումարաց յիշատակեալ յերկոտասաներորդ յօդուածի հրիտակիս թողում և առձեռն պատրաստի զմի հազար չորս հարիւր բուրլիս արծաթոյ (1400), յորոց զմի հազար բուրլիս ի ծախս թաղմանս ըստ յետագայ բաշխման: Ա) աջահամբոյր Սրբազնագոյն Քահանայապետի 100 բուր., Բ) ժամոց Սրբազան պատարագչի և օծողի զգիս 50 բուր., Գ) պաշտամաղբամ երկոտասան եպիսկոպոսաց ըստ տանն և հնգական արծաթոյ 180 բ., Դ) պաշտամաղբամ երեսուն վարդապետաց և քահանայից ըստ 10-ական արծաթոյ 300 բ., Ե) վեց սարկաւազաց ըստ հնգական արծաթոյ 30 բ., Զ) երկերիւր սանուց ճեմարանի 200 բ., Է) 5 ծառայից, դռնապանաց և սպասաւորաց 25 բուր., Ը) դագաղի և զիազարդի 30 բուր., Թ) հատման գերեզմանի և տապանաքարի 50 բուր., Ժ) աղքատաց և հոգեհաց 35 բուր.: Զպակասորդս ի միոյ հատուածոյ ծախուցն լցուցէ յաւելուած միւսոյն: Իսկ զչորս հարիւր բուրլիս արծաթոյ ի միանուագ պարգև սպասաւորին իմոյ Բարաղի Ղազարեան յաղագս հայթայթելոյ ինքեան և ընտանեացն զապրուստ ցգիւտ նորոյ պաշտաման և պարապմանց ի պահպանութիւն կենաց:

Ի կնիք վերագրելոց ամենից աղաչեմ զկտակակատարս իմ զպատկառելի Ատենակալս Սրբազան Սինօգի և զսրբազնասուրբ Հայրապետ Հայաստանեայցս ս. Եկեղեցւոյ, ամբասիր զիս առնել յաղագս յետաձգելոյ զշահեցողութիւն կրթական հաստատութեան Հոգևոր Ճեմարանի և բանասիրաց ի դրամապիտոյս ցկրկնապատկութիւն նորին, զի դիտաւորութիւնս յառաւել օգտախնդրութեանց սիրեցելոյ ազգիս յառաջացաւ: Աներկբայ հաւատով և հաստատուն յուսով ննջեցից ի Տէր Յիսուս Քրիստոս՝ զանձնս յանցապարտ և զհամօրէն ճշմարիտ հաւատացեալս յանձն առնելով ողորմութեան Ամենակալին, որ ունի կարողացուցանել և եռանդնաւորել զկտակատարս միաբան հաւանութեամբ և միամիտ սրբութեամբ գործադիր հանդիսանալ վերջին բաղձանացս՝ արտայայտեալ ի կտակագրիս, և վարձս բա-

բեաց յառատաձիր պարգևաց ամենասուրբ Հոգւոյն Աստուծոյ ընդունել յաստիս և ի հանդերձեալ անվախճան յաւիտեանս, Ամէն:

Ժամօթութիւն. եթէ միումն յանուանեալ միաբանակից եղբարց Մայր Աթոռոյս կանխեսցէ մահ յառաջ քան զվախճանս յանուն նորին կտակաւանդեալ իրն պարտի մնալ ի սեպհականութիւն Մայր Աթոռոյ Սրբոյ Էջմիածնի, որպէս ժառանգաւորի մենաւոր վանականի համաձայն օրինական ցուցմանց և յետ կատարման քառասորեայ կարգի թաղմանս Սրբազան Սինօզն և Վանական Կառավարութիւն հրամանաւ Սրբազնագոյն Կաթողիկոսի կամ Տէր Տեղակալի պարտաւոր են տալ հրատարակել զայս հրիտակ ամբողջութեամբ յէջս «Արարատ» ամսագրոյ ի գիտութիւն ազգայնոց:

Զկտակագիրս յինէն շարադրեալ և արտագրեալ իմովս իսկական ստորագրութեամբ վաւերացուցանեմ: Միաբան Մայր Աթոռոյ Սրբոյ Էջմիածնի՝ Սուքիաս Արքեպիսկոպոս Պարզեանց:

յՁ յունուարի 1912 ամի

ի Սուրբ Էջմիածին:

Կտակը կազմելիս ներկայ են եղել և ստորագրել են.

Յովնաննէս Արքեպիսկոպոս Շիրակունի

Ղևոնդ եպիսկոպոս Յովակիմեան

Գէորգ վարդապետ Ռշտունի

Յուսիկ վարդապետ Զոհրաբեան

Մուշէ վարդապետ



Մ. Աթոռի գանձարանում հանգուցեալ Տ. Սուքիաս արքեպիսկոպոսի զրամական ծրարը բաց անելով՝ երևացել է, որ հանգուցեալը թողել է հետևեալ գումարները.

1) Զորս հատ 40% ընկտա իւրաքանչիւրը 5000 ռ.

արժողութեամբ 20,000 ռ.

2) Մի հատ 4 ⁰ / ₀ բենտա 500 ո. արժողութ.	500 ո.
3) Երեք հատ պետական հողային բանկի ЗАЕМ. ИСТЪ իւրաքանչիւրը 1000 ո. արժողութ.	3,000 ո.
4) Մի հատ նոյնը 500 ո. արժողութ.	500 ո.
5) Երկու հատ Տիրխիսի ազնուական հող. բանկի իւրաքանչիւրը 1000 ո. արժողութ.	2000 ո.
6) Մի Վօլժսկո-Կամսկի բանկի տոմս	17,700 ո.
7) Մի մուրհակ Համբարձում Սողոմոնեանի ստորագրութեամբ	8,000 ո.
8) Մի հատ Համբարձում Սողոմոնեանի ստորագրութեամբ ստացագիր, որով վերցրել է Տ. Սուքիաս արքեպիսկոպոսից ի պահպանութիւն 5 հատ ազնուակ. բանկի տոմս իւրաքանչիւրը 1000 ո. արժողութեամբ	5000 ո.
9) Նոյն Համբարձում Սողոմոնեանի ստորագրութեամբ ի պահպանութիւն վերցրած 4 ⁰ / ₀ բենտ. 20,000 ո.	
Ընդամենայն	76,700 ո.

Այս գումարից 33 հազարը գտնւում է վաճառական Համբարձում Սողոմոնեանի մօտ, իսկ մնացած 43,700 ո. Մայր Աթոռի գանձարանում, որից 1,700 ուրբլին ըստ կտակի պէտք է հոգացուի Թաղման վերաբերեալ ծախքերը, իսկ մնացած 42,000 ո. գումարը և Համբարձում Սողոմոնեանից 33 հազարն իւր 0⁰/₀-ներով ստանալով պէտք է շահեցնուի այնքան ժամանակ, որ ըստ կտակի դառնայ 150,000 ո. որից յետոյ պէտք է կատարուի հանգուցեալի կամքը:

